

Келинг, зикр ва дуо қиламиз! 1-дуо



09:28 / 09.04.2020 2904

Алоҳида таъкидлаб ўтиш лозимки, суннати мутоҳҳарада келган ва турли муносабатлар ила қилинадиган зикрларни яхшилаб ўрганиб, ўз ўрнида адо этиб юриш лозим.

Мисол учун, фарз намозларнинг ортидан адо этиладиган зикрлар бор. Бу зикрларни адо этиш бизда қадимдан йўлга қўйилган. Ҳаттоки баъзи бир кишилар наздида намознинг бир қисмидек кўриниб қолган. Аслида эса улар намоздан ташқаридаги зикрлардир.

Тонг отганда ва кеч кирганда бомдод ва шом намозларидан кейин ўқиладиган дуолар бор. Шунингдек, маркабга минганда ўқилиши керак бўлган дуо бор, уни Расулуллоҳ соллаллоҳу алайҳи васаллам деярли ҳар доим ўқир эдилар. Шунга ўхшаш, ҳар бир мақомда ва муносабатда ўқиладиган дуо ва зикрлар бор. Уларни ўз ўрнида адо этишни йўлга қўйиш

лозим. Зотан, бу турдаги зикрлар банданинг доимий равишда Ҳақ субҳанаҳу ва таолога боғланиб туришига хизмат қилади.

Келинг, қўлдан келганича мазкур зикрларни ҳам уларга амал қилиш нияти ила ўрганиб чиқайлик.

Мурид уйқудан кўзини очиши билан Роббига боғланади ва ушбу ҳадиси шарифда келган дуони ўқийди.

يَدُّلَا ۛلَلْ دُمَحْلَا «: طَقِيَّتَسَا اذِلُّوْقَي ، مَلَسُو هِيَلَع لَللَا يَلَصْرَه لَللَا لُوَسْرَنَا ك
يُرَاخُّبُّلَا هَاوْر . «رُوْشُنُّنَلَلَا هِيَلِلَاو اِنَا مَامَا نَعَب اِنَا يَحَا

«Расулulloҳ соллаллоҳу алайҳи васаллам уйфонган вақтларида:

«Алҳамду лиллаҳиллазии аҳйаанаа баъда маа амаатанаа ва илайҳин нушуур», дер эдилар».

Бухорий ривоят қилган.

Дуонинг маъноси: «Бизни ўлдирганидан кейин тирилтирган Аллоҳга ҳамд бўлсин. Ва тўпланиш Унинг Ўзигадир».

Сўнгра яхши ният қилган ҳолида ўнг томони билан ўрнидан туради. Ўнг томон доимо яхшилик, иши ўнгидан келишининг рамзи бўлиб келган. Яхши ният эса доимо мусулмон инсоннинг ҳамроҳи бўлиши лозим.

هُبَّجُّعِي ، مَلَسُو هِيَلَع لَللَا يَلَصْرُه يَبُّنَلَا نَا ك : لَاقُ ۛنَعُ ۛلَللَا يَضْرَه رِيَّ بَا نَع
هَجَامُ نُّبَا هَاوْر . هَرِيَّطَلَا هَرَكِّيَّو نَسَحْلَا لَلْأَفَلَا

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васалламга яхши ният ёқар ва шум ният ёқмас эди».

Ибн Можа ривоят қилган.

«Нақшбандия: вазифалар, зикрлар» китобидан